

دوو : نموونین جینوساید دناڤ کوردان دا :

په یوهنډیا کوردان ب جینوسایدن نهک ل سالیڼ ۱۹۸۷ و ۱۹۸۸ دهست پی دکهت، دهمی رژیم دیکتاتورا بهغدا چهکی کیمیایی دزی کوردان بکارئینایی، بهلکو گهلهک کهفتزه بهلکو ژ سهردهمی میدیان پیڅه دهست پی دکهت و تا ئهفرو بهردهوامه .

ژ باشترین نموونا (مستهفا کهمال) لسهر حیسابا ئیبادهکرنا کوردان بناڤی (ئهتاتورک) هاته بناڤکرڼ و دگهل پیکنینانا دهولهتا تورکیا یا نوی سهرباز و ئهفسهر و خهلکی کورد دکهته ریڅ و سوتهمهنیا شهرئ تورکیا و ب ئاخفتن و سوزین مهزن کو دی کوردان دڤی دهولهتا نوی دا دی مافین مهزن ههبن، ئی پشتی دهستهلات و حوکمرانی وهرگرتی دهست ب سهرکوکرڼ و ژنافرنا کوردان کر .

ل سالا ۱۹۲۵ شیخ سعید پیران دڤی بارودوخی نهخوش دا شورهش کر ، ئی حکومهتا ئهتاتورک ب ناگر و ناسنی رووبهرووی فی شورهشی بوو و پشتی ژنافرنا شورهشی، رابه و سهرکردین وان قهتل عام کرن و زیدهتر ژ (۴۰) هزار کهسان ئیبادهکرڼ و ب سهدهان هزاران دناڤبهرا سالیڼ (۱۹۲۵ – ۱۹۲۶) ژ سهر جهین باب و باپیرین وان راگرڼ و ناڤی کورد قرکر و بناڤی (تورکین جیایی) بناڤکرڼ .

د راپهرینا دیرسم ئهوا تا سالا ۱۹۴۲ دریژه فهکیشایی نیزیکی (۹) هزار گوندان لسهردهستی حکومهتا تورکیا هاتنه ژنافرن و قرکرڼ .

ل سالا ۱۹۷۹ مللهتین ئیران دزی زولم و ستهمکاریا محمد رزا شاه راپهرین و نیزیکی (۸) ملیون کوردان پشکداری دڤی شورهشی دا کرن، ئی ل سالا ۱۹۸۳ (۵۹) کهس ژ کوردان پیڅه سیدارهدان و نوکه زیدهتر ژ (۲۰۰) هزار سهربازان و (۲) هزار بنگههین سهربازی ل ئیران و روژهلاتی کوردستانی ههنه بو ژنافرن و قرکرنا کوردان .

ل ۹ حوزهیران ۱۹۶۳ بهعسیان بسهرگردایهتیا زهعیم سهدیق مستهفا کومهلکوژیهکا هوفانه ل باژیری سلیمانیی ئهنجام دا و بی فهکولین و دادگهه نیزیکی (۳۶۰) کهس سیدارهدان و ل جههکی فهشارتن ، پاشان بناڤی (دهستی مهرگ – دهشتا مرنی) هاته بناڤکرڼ، ل ۲۴ نیسان ۱۹۷۴ حکومهتا بهعس دهست ب کوشتنا (۱۳۱) هاوهلاتیان ژ ماموستا و قوتابیین باژیری قهلازی کرن، د ههمان سال (۹۰) کهسین بی گونهه ل گهلاله و چومان و (۴۲) کهس ل ههلهبچه ب هیرشین فروکین بهعس و ب بومبین ناپالم و فسفوری هاتنه ژنافرن .

ل سالا ۱۹۸۳ زیدهتر ژ (۸) هزار بارزانیان هاتنه ئیبادهکرڼ و بی سهروشوین کرن، ههروهسا ب دههان و سهدان نموونین دی ل سهر کوشتن و جینوسایدکرنا کوردان ههنه ، ژوانان جینوسایدکرنا کوردین فهیلی ... هتد